

21 OCT 2003

PAMERAN FOTO SERIBU WAJAH DR MAHATHIR DITUTUP AWAL SEMPENA PUASA

KUALA LUMPUR, 21 Okt (Bernama) -- Waktu lawatan pameran foto "Seribu Wajah Dr Mahathir: Satu Penghargaan Kepada Seorang Negarawan" di Balai Seni Lukis Negara (BSLN) di Jalan Tun Razak di sini, akan ditutup pada 5 petang mulai Isnin depan.

Penolong Kurator BSLN Hashimah Nyok berkata waktu lawatan itu ditutup awal berikutan umat Islam di negara ini dijangka mula berpuasa pada 27 Okt ini.

Waktu lawatan yang baru ialah dari 9 pagi hingga 5 petang. Masuk adalah percuma.

Pameran itu yang akan diadakan sehingga 6 Dis ini setakat ini telah menerima kunjungan hampir 20,000 orang, kata Hashimah.

Pameran itu yang dirasmikan oleh Yang di-Pertuan Agong Tuanku Syed Sirajuddin Syed Putra Jamalullail, mempamerkan 1,000 keping gambar Dr Mahathir meliputi 22 tahun beliau menyandang jawatan Perdana Menteri, yang sebahagian besarnya belum pernah disiarkan atau dipamerkan.

Pameran itu dianjurkan oleh media Malaysia terdiri daripada akhbar, stesen televisyen, Jabatan Penerangan dan Pertubuhan Berita National Malaysia (Bernama) dengan kerjasama BSLN sebagai tanda penghargaan kepada Dr Mahathir.

-- BERNAMA  
NKB KHY RHM